

*Suid-Afrikaanse
Woonwa-Assosiasie*
SAWA



*South African
Caravan Association*
SACA

Wawiel

Jaargang 33 Vol. 4



Wapadrand

INHOUD

INHOUD	BL 2
STILTETYD.....	BL 3
BESTUURSLEDE	BL 4
REDAKSIONEEL	BL 5
UIT DIE VOORSITTER SE PEN	BL 6
VOORSTELLE VIR 2024 KAMPE.....	BL 7
LAG 'N SLAG	BL 8
SENIORS.....	BL 9
OUD WORD	BL 10
JEUG	BL 11
PRESIDENTE BLOEKOMPOORT	BL 12 & 13
JA-JA-JA-KAMP RUAH PARK.....	BL 14
WEESGERUS	BL 15
VERJAARSDAE EN	
HUWELIKSHERDENKINGS	BL 16
LIEF EN LEED	BL 17
KAMPPROGRAM 2023	BL 18

STILTETYD

Goeiemôre

Dankie Here, dat U my God is ... U is daar in my huil
en my lag, in my droefheid en in my vreugde. U is
lankmoedig, geduldig en vol liefde. U is my Vrede,
wat my emmer tot oorloeps toe vul met genade.
U is die Een wat telkemale my hart heel maak en
my optel en dra wanneer die lewe my wind uit
skop. U is alles vir my



U is altyd by my

Foto geleen

Die 2022/2023 BESTUUR

VOORSITTER

Martin.a.rix@gmail.com



MARTIN RIX

Sel: 082 903 8342

ONDERVOORSITTER

David.bronn@vodamail.co.za

DAVID BRÖNN

Sel: 082 878 9133



SEKRETARESSE

janettatoerien@gmail.com

janettat@vodamail.co.za

JANETTA TOERIEN

Sel: 082 325 5634



NUUSBRIEFREDAKTEUR

pienaars@netactive.co.za

DALEEN PIENAAR

Sel : 082 848 7478



PENNINGMEESTER

lynnettevanrensburg@gmail.com

LYNETTE V RENSBURG

Sel: 082 068 6517



ADDISIONELE LID

bezuic@gmail.com

CHRISTO BEZUIDENHOUDT

Sel: 082 551 3475



ADDISIONELE LID

pienaars@netactive.co.za

DALEEN PIENAAR

Sel: 082 848 7478



REDAKSIONEEL

Hierdie uitgawe is vir April, Mei en Junie.

April was dit weer Presidente wat deur Gebied Jakaranda aangebied was.

Mei het ons by Ruah park gekamp wat ook ons JaJaJa-kamp was en Junie was dit gebiedskamp by Weesgerus. Die Wapadwinkel het oulike items verkoop en ons het Boereworsrolle gemaak.


Baie dankie vir almal se insette en ek soek resepte asb.

Onthou asb julle artikels en gaste!!!

Redaksie.



Uit die Voorsitter se pen :



Beste Wapadranders

Die Winter het uiteindelik aangebreek nadat ons gedink het dit gaan somer bly met al die reën wat ons tot so laat gekry het. Die eerste ses maande van die jaar is verby en die SAWA-jaar is ook verby. Die kinders is ook al met hulle halfjaarvakansie. Hoop hulle rus goed uit vir die laaste helfde van die jaar, veral ons matriekulante!

Die afgelope kwartaal het ons weer drie kampe gehad. Weereens sê ek dit klink so vanselfsprekend, maar daar is verskeie streke wat nou net elke tweede maand kamp en/of party waar net nie meer belangstelling is om te kamp nie. In April kon ons die Nasionale Presidente te Bloekompoort bywoon. Ongelukkig was daar net twee Wapadranders en Edward en Marthie Leach wat saam met ons gekamp het, teenwoordig. Die kamp was des te meer lekker met al die ander streke wat teenwoordig was. As Gebied Jakaranda, wat die kampkoördineerders was, het ons lekker saam gewerk en gekuier. Die kamp in Mei-maand, ons JaJaJa-kamp, wat by Ruah Park was, was beter bygewoon met 'n paar besoekers. Ons was heerlik bederf met pannekoekte die Saterdagoggend. Baie dankie Janetta en Lynette! Dit was 'n heerlike kuier naweek en dit was hier waar die koue begin het! Die laaste kamp wat die Gebied se kamp was te Weesgerus, was deur vier lede bygewoon. Soos wat ek voorheen gesê het, bly ons kampbywoning vir die Bestuur 'n bekommernis.

Janetta het ook alreeds die nominasievorm vir Wapstrandbestuurslede uitgestuur. Ek wil bykans by julle smeek om asb. julle bereidwilligheid te demonstreer en julle name vir ons deur te gee. Al kamp julle nie meer elke kamp nie, vele hande maak die werk net soveel lichter. Die AJV is in Augustus as julle vergeet het.

Geniet die vakansie as julle weggaan en kom veilig terug.

Laastens, aan ons Hemelse Vader, dankie vir nog 'n kwartaal wat verby is en die voorreg om te kon kamp en die natuur te geniet. Dankie vir elkeen wat die afgeloede kwartaal gekamp het en dit onvergetlik gemaak het. Dankie vir elkeen se ondersteuning. Sonder julle sou my en die Bestuur se taak baie moeiliker gewees het. Dankie aan Tersia wat my ook die heeltyd ondersteun.

Groete

MARTIN



Voorstelle vir 2024 kampe

Ons het 'n paar voorstelle vir kampterreine vir 2024 ontvang. Kyk asb. na die onderstaande en as enige lid nog voorstelle het (oorde en watter naweke), laat weet enige van die Bestuur so spoedig moontlik:

SAWA Wapadrand Jaarprogram 2024						
2024 Kampnaweke						2024 Kampplekke
Januarie	5-7	12-14	19-21	26-28		Basslake
Februarie	2-4	9-11	16-18	23-25		Reilynn
Maart	1-3	8-10	15-17	22-24	29-1	Kaalvoet Koppies
April	4-8	12-14	19-21	26-28		Dube
Mei	3-5	10-12	17-19	24-26	31-2	Hartbeeshoek
Junie	7-9	14-16	21-23	28-30		Weesgerus
Julie	5-7	12-14	19-21	26-28		Manyane
Augustus	2-4	9-11	16-18	23-25	30-1	Bosveld Oase
September	6-8	13-15	20-22	27-29		Almega
Oktōber	4-6	11-13	18-20	25-27		Rustoord
November	1-3	8-10	15-17	22-24	29-1	Drie Berge
Desember	6-8	13-16	20-22	27-29		

Lag 'n slag

Gistermiddag is ek besig in die tuin toe my sexy buurman my nader roep.

Eerste wat ek raaksien is daai lyf - manne marak!

Ek kry 'n pose soos 'n skoupou en kom soos 'n skouperd nadergedraf, met so flinke drafstappie na die omheining aangetrippel-galop, tot by hom.... Slaan 'n houding in wat Miss Universe soos 'n appy laat lyk.

Ek strek toe mos die hand na hom uit want 'n dame wil mos nou 'n goeie indruk maak.....

maak ek toe een foutjie.... ek vat die elektriese omheinig vas!

Grote bliksem!!!

Die ding skop my so hard, dit voel of my twee bene elk in sy eie rigting begin loop!

Ek sien wit voor my - my een kontaklens pop uit en lyk soos n pan-nekoek wat geflip word. Die ander lens krimp so en gaan plak sommer hier bo my oog vas.

My tanne klap opmekaar en ek lyk of ek erge kouekoors het...weg is my nuwe stopsel!!

My kleintongetjie slaan gat-oor-kop en duik in my keelgat af, by my twee nuwe mangels verby, en my tong loop plak aan my verhemelte vas, want my spoeg het opgedroog.

In my agterkop speel die liedjie "Brick in the wall".

Ek sien 'n Chinese vuurwerk vertoning van 'n ander aard voor my oë afspeel.

My twee oë kyk in alle rigtings en vaagweg sien ek 4 buurmanne!

Ek slaan met soveel geweld op grond neer, lyk of Bigshow my gechoke-slam het en toe ek probeer opstaan, doen ek splits beter as enige olimpiese gimnas!! Die gil wat uit my hygende keelgat by my kleintongetjie verbykom, laat my klink soos 'n plotmeid wat 8 biere in het.

Toe ek uit eindelik, swetend en hygend stil lê, hoor ek hom sê " Hi, ek wil gou by jou hoor of hierdie elektriese heining ooit nog werk?"

Donner, is die man dan blind!!!



SENIORS

Die seniors skenk bloed

Andy en Janetta Toerien doen hulle deel vir die samelewing.



Oud word

Die een oomblik is ons nog jonk, hardloop, buk maklik, spring oor muurtjies en dan op 'n dag besef mens: dit sal beter wees om óm te loop as om oor die muurtjie te spring.

*Hoe het dit skielik laat geword?
Die oggend was so lank en stil,
Die middag ruim warm en gul.
Die afdraend van die dag is kil.
Hoe het dit skielik laat geword?*

Olga Kirsch

As ek net dink aan al die tegnologiese veranderinge wat ons al beleef het, selfs vir dié van ons wat so jaar of 10 na die tweede wêreldoorlog gebore is, hoeveel te meer vir dié wat voor die oorlog gebore is.

Partykeer verlang ek na die tyd toe ons 'n telefoon op die tafeltjie in die gang gehad het, by die muur in 'n kassie ingeprop, so 'n swart een met die nommers in 'n draaiskyf... en tiekiebokse en kollekteeroproope.... busry stad toe om boeke by die biblioteek uit te neem vir die hele familie (13 boeke). Ek kon uitneem wat ek en my pa wou lees, die enigste voorwaarde, daar moet ten minste één boek vir elkeen in die gesin wees.

Later krimp mens se wêrelde tot die allernoondaaklikste en later is jy nie meer baas oor jou eie liggaam nie en daarmee maak jy bitter vrede. “*En dan is daar die swart afgrond wat oopgaan elke keer dat 'n bekende wegval.” Die predikant sê onlangs vir my: “So, jy het ook 'n kans om 90 te word.” My antwoord: “Nee dominie, ek gaan 104 word en net so bekonkeld soos my pa.” “*Die ouderdom verander immers nie mense se aard nie: hulle word net méér soos hulle is.” Nou laat hy my selfs toe om sy pille in te deel! Wanneer die laaste oomblikke aanbreek is liefde en geloof al wat oorbly....

Alba Bouer het 'n roman geskryf, “Die afdraend van die dag is kil”. Die boek beeld die mens se verganklikheid en sy aftakeling tot die onverwoesbare kern van sy menswees uit.

Mag ons krag en genade vind vir wat vir ons voorlê.

(*Uittreksels uit “Die afdraend van die dag is kil”)

Janetta



JEUG

Baie geluk Elané met die Onderskeiding in die kunswedstryd. Elané het deelgeneem aan die Daller Spore Kunswedstryd by haar skool . Sy het vir al 3 die temas ingeskryf en 3 skilderye ingehandig en 'n onderskeiding daarvoor behaal Mooi so Elané!

Chrisjan het 'n suksesvolle Rugbyseisoen gehad; 2de span driedrukker ge-wees. Geluk Chrisjan, jy was soos gewoonlik 'n ster!



Oppad doellyn toe!



Die rugbymanne



'n Mooi drie Chrisjan!



Chrisjan het ook aan die Revue deelgeneem.



Geluk Mieke met jou Honneursgraad-toekenning.



Mieke se span was ook die algehele Wenvaders van die jaarlike
"Client challenge Presentations to Nativa"



Presidente - Bloekompoort

April

Gebied Jakaranda was kampkoördineerders. Die Minions was van Dinsdag af by Bloekompoort en dadelik aan die werk by die hek. Dinsdagaand en Woensdagaand het ons in twee groepe gebraai en heerlik opgevang met vriende wat ons net 'n paar keer 'n jaar sien en ook nuwe vriende gemaak.

Donderdag het die meeste mense aangekom en hulle waens staangemaak. Danksy Martin wat die terreinuitleg gedoen het, het alles glad verloop. Oud-Wapadranders, Edward en Marthie Leach, het ook by ons aangesluit.

vanaf Donderdagaand deur die naweek het Magda 'n deurlopende Paasboodskap gelewer. Elma het die Paasverhaal treffend uitgebeeld met haar rangskikkering.

Vrydag het almal die voorbereidings gedoen vir hulle stalletjies vir die kermis Saterdag. Weereens, danksy Martin en Wilanda se harde werk was daar nie twyfel oor wie waar, wat gaan verkoop nie.

Saterdagoggend vroeg-vroeg was almal aan die werk. Wapadrand het pannekoek verkoop en daar was geen tekort aan helpers nie. Die shooters- en bierstalletjie het nog tot laatnag besigheid gedoen. Die sangpaar, Schalke en Cherine Smit het nie net gesing nie. Daar was verskeie uitdagings aan al die Minion-spanne gerig soos dans, sing ens. Dit was groot pret en almal het heelhartig deelgeneem. Die hulp van 'n besem was ingeroep as dansmaat en daar was ook 'n bietjie paaldans.

Sondagoggend was alles opgeruum vir die erediens. Sondagmiddag het almal vroeg geëet want die weer het gedreig. Dit het gestortreën maar ons het heerlik knus in die saal gesit en tee en koffie drink met een van Alet Meyer se heerlike melkterte.

Maandag, nou ja, wat kan ek sê? Oppak is nooit lekker nie, maar die huis wag!

Ons maak volgende jaar weer so!



Presidentesaamtrek te Bloekompoort April

Almal het heel spoggerig gelyk met hulle blou en geel hempies.



Sawanante hard aan die werk in die kombuis.



'n Geskiedkundige foto van twee Oud-Presidente van SAWA en die seuns van twee Presidente en 'n Nasionale voorsitter wat nou ook al gesoute kampeerders is. Vlnr. Francois Groenewald, Chris Pienaar, Oom Nico Spaumer en Edward Leach, en Jurie Dreyer.

Jajaja!

Die kampterrein mag ek mos nou bekendmaak..... Ruah Park!!
Ons het met al die leidrade van Reinardt uiteindelik tog by die regte kamp aangekom.

Wat 'n heerlike en pragtige kampterrein!
Al die mense het die sop en sjerry Vrydagaand baie geniet en toe word ons nog met vetkoeke daarby ook bederf. Die groep mense het lekker so staanstaan gekuier en daarna langs die vuurtjie wat Dawie vir ons gebou het.

Ons het vir die eerste keer saam met ons nuwe lede, Hoepfner en Elsa Wiese, wat van Streek Mooifontein na ons oorgeplaas word, gekamp. Hulle is baie aangenaam en het heerlik gesels en gekuier en sommer dadelik aangepas en ingepas by die groep.

Dan het ons ook nog gaste van Dagbestuur ook gehad. Chris en Litia Joubert en haar broer Pieter, het ook lekker saam met ons gekamp. Dit was 'n voorreg om sulke aangename gaste by ons te kon hê.

Die saambraai Saterdagaand was weer 'n wenner. Daar was genoeg slaiae, en toe nog twee soorte nagereg ook.

Ruah Park kan weer besoek word. Die kampterrein is rustig en veilig en baie lekker met elke staanplek se eie ablusiegeriewe.... en dit ook sommer baie naby aan ons almal. Daar is bokke en eende wat redelik mak is en tussen ons ook beweeg het wat bydra tot die rustige admosfeer.

Die personeel was baie aangenaam, vriendelik en behulpsaam.

Dankie vir 'n lekker kamp.
Groete Tersia

Andy voer die mak eendjies

Wat beplan Chrisjan met die eendjies?



Weesgerus

Die naweek by Weesgerus was 'n lekker kuier.

Net vier Wapadranders het dit bygewoon, maar Elané het 'n maatjie saamgenooi en dié twee het omtrent die swembaddens geniet.

Vrydagaand het Rietvallei kerrie en rys aangebied.

Saterdagoggend het Wapadrand worsrolle verkoop (Chris en Daleen; hulle het ook 'n paar gewillige hande gehad) en die Wapadwinkel het goed besigheid gedoen. Daar was ook Bingo.

Die res van die tyd het ons net lekker gekuier. Gerrie en Rina en die Brönne was bevoorreg om die hele week te kon kuier.



Wapadrand het weer die Wapadwinkel gehou en baie oulike goed is verkoop.

Dankie Rietvallei vir die Bingo aanbieding wat altyd baie gewild is.



Dankie Magdaleen, vir jou mooi boodskap.



*Die Raai-raai van die uitgawe.
Wat is hier verkeerd?
Hierdie 4 kry die swart eendjie
Toekenning.*

***Antwoord elders*

Kampkommandante vir die naweek.



Lief en Leed

Lief:

Mieke Pienaar ontvang haar Honneursgraad in B Com Bemarking.

Chris en Daleen word 'n kleindogter ryker.

Die kinders word sterkte toegewens met die Junie eksamen.

Daleen se oogoperasies was 'n groot sukses.

Leed:

Deur die genade was die tyd sonder noembare leed.

***Antwoord*
Gades omgeruil



VERJAARSDAE EN HUWELIKSHERDENKINGS

Verjaarsdae:

4 April	Wynand Theron
25 April	Dawie Mullins
3 Mei	Janetta Toerien
3 Mei	Natashia Rabie
14 Mei	Gerrie van Aswegen
15 Mei	JJ Rabie
16 Mei	Hannah de Villiers
18 Mei	Ewald van Rensburg
19 Mei	Martin Rix
28 Mei	Duvan du Plessis
12 Junie	Kobus Burger
13 Junie	René Müller
20 Junie	Wynand Theron
27 Junie	Seppie Müller

Huweliksherdenkings

23 April	Bettie en Dawie Mullins
17 Mei	Rina en Gerrie van Aswegen
22 Mei	René en Vernon Müller
27 Junie	Janetta en Andy Toerien
28 Junie	Annie en Gräbe de Villiers

SAWA Wapadrand Jaarprogram 2023

2023 Kampnaweke		2023 Kamp-plekke	Plek ke	Bestuurslid/ Kampkoördi- neerde	Rigting	Kamptariewe	Kommen- taar
Januarie	6-8	13-15	20-22	27-29	Kokoriba	Janetta Toerien	Noord- Wes
Februarie	3-5	10-12	17-19	24-26	Hart- beshoek	Martin Rix	Noord
Maart	3-5	10-12	17-21	24-26	31-2 Reilynn	Lynette v Rens-	Oos
April	6-10	14-16	21-23	26-1	Presidente	Dagbestuur	Suid
Mei	5-7	12-14	19-21	26-28	Jalala	Janetta Toerien	
Junie	2-4	9-11	15-18	23-25	30-2 Weesgerus	Gebied	Noord
Julie	7-9	14-16	21-23	28-30	Manyane	Bosveld	Noord- Wes
Augustus	4-6	11-13	18-20	25-27	Klein Para- dys Brits	Bestuur	Noord- Wes
September	1-3	8-10	15-17	22-25	29-1 Willem's Rus	Daleen Pienaar	Noord- Oos
Oktober	6-8	13-15	20-22	27-29	Dube		Noord- Wes
November	3-5	10-12	17-19	24-26	Sondela	Bestuur	Noord
Desember	1-3	8-10	15-17	22-26	29-31		